

ديوان

أنا إنسان

محمد إيهاب حمدي



اسم الكتاب: أنا إنسان

اسم الكاتب: محمد إيهاب حمدي

تصميم الغلاف: عبد الله طه

تدقيق: فاطمة الزهراء

رقم الإيداع: 7478/2019

الترقيم الدولي: 9\_999\_099\_977835\_978

اسكرايب للنشر والتوزيع

بالتعاون مع زحمة كتاب

Email : [Scribe20199@gmail.com](mailto:Scribe20199@gmail.com)

الهاتف: 01099727510

## الإهداء

إلى كل من ساندني وسأهم في دعمي وتحفيزي، وعلى رأسهم أبي وأمي بآرك الله في عمرهما، وأخي الأبد أحمد وابن عمتي عبد الله. إلى الحياة التي علمتني أني لا أستطيع العيش دون المثابرة والمجازفة لتحقيق الأحلام، وإلى نفسي التي تابرت وجازفت وصبرت معي إلى الآن.

## المقدمة

كلام بسيط سهل للقارئ قراءته، اللي فيه بيوصفكوا وبيعبد عن المشاعر اللي  
جواتوا، كلام عن الحب، وآلامه من الفراق والندم وأحزان وألم الذكريات، و  
وصف لشخصيات موجودة معنا في حياتنا اليومية وأحداث بتبيه وجهات  
النظر المختلفة، أتمنى الديوان يعجبكوا وأكون عند حسن ظنكوا.

# الموت قادم



# الموت قادم

الموت مكتوب على جسدك  
عمل خيرا في دنيتك  
ستصعد الروح إلى بارئها  
إن كنت عادلا بين الناس  
وتلقي في درك النار بغیضا  
يخدعك الشيطان بالمناصب  
الكل زائل والملک لا يدوم  
عد لربك واطلب مغفرته

هل تفر من الموت للبقاء  
فإن طريقك آخره الفناء  
وتغدو الناس فيك للـعزاء  
ستكون روحك في علياء السماء  
إن كنت تتعامل بكبر واعتلاء  
فتغتر بسلطة ومشهد انحناء  
وسيصبح الحكم أساس الشقاء  
ولا يغرنك في الملك الثناء

# فایٲ بلا



## فايت بلاد

حزنت ياما من بعدي عنك  
حاسس بغربة ف بعدك إنتي  
جوايا فايح عطر حبك مش قادر  
متزعليش مني عشان بغير  
طب أعمل إيه وأقول إيه ده  
فايت بلاد وجاي أصالحك  
راسم أحلام في خيالي وشايفك  
هجرك ليا مش سهل عليا  
فين الاقيكي يا نور عيني  
الوطن إمتي تحسي بأيني  
أنساه وانتي قدرتي تنسيني  
وتبعدي وترجعي تاني تخاصميني  
كلام كثير محتاج أقوله صدقيني  
شوفي غلاوتك معلش سامحيني  
واقفه ف الجنة بترسميني  
وفعشقك أنا مجنون ليه بتعذيني

خسرت مرة



## خسرت مرة

ذكرياتي قدامي بتمر ف ثواني  
الشوق دوبني ف قربه وبعده  
ويا ما سهرت بفكر فيه  
أعاتب وألوم ده حقي إني أقول  
أول كلامنا كان عندي فضول  
وبالي عليك دائما مشغول  
فاكره أول مقابلة ونظرتي ليك  
اشتقت لحضن ولمسة إيديك  
الحب معاني كثير في الحياة  
اهتمام وغرام وقصة ودوام  
خسرت مرة ومش هخسر تاني  
وقلبي نسيني هجرني وجفاني  
كلامه وغرامه اللي بيه قواني  
جرحي مهما قولت عمره ما هيزول  
نسيت قلقي عليك والصبر يطول  
بحاول أنسى عشان ابن أصول  
اتعلقت بيك ودوبت في عنيك  
بس لازم الفراق وحاولت أنساك  
السعادة ف لقاءه مش قادر أنساه  
مش بس هدايا وسيما وكلمة

لاقيت ف عينه كل الكلام      دور ع الحب في شط الخيال  
دور بقلب وعقل مليان آمال      في قلوب صخور متقربش ليها  
وقلوب صافيه في الشدة تحمل جبال



# قهرى



## قمرى

شايفك في السما مالكيش زي وسط النجوم ما انتي قمرى وكل الضي  
بيجري الدم ف عروقي بطلتِك عليا عنيكى سحرها يشع نور يسحر عنيا  
ما كفاية بقى كل يوم تحلويّ ويزيد جمالك والناس يحسدوكي وانتي  
اللي ليا

مش شايف بين البنات غيرك انت اللي ساكنه جوايا وجودك جمبي

بالدنيا

اسرتيني بجمالك وعنيكي ملهاش مثيل مش ناسي قلقك عليا  
وحضن إيديكي لإيديا  
في أحزاني تضميني في وقت الفرحة تشاركيني انتي بس في حياتي  
وتغنيني

مالكيش شبيهه ولا نقطة ف بحر منك هلاقيها ومايكفكيش الوصف

اعذريني

وجودك جمبي بيظمني وبعذك لازم يشغلني ونار الوحدة ف فراقك

بتكوينني

بتوحشيني وانتي معايا وروحك عايشه جوايا دخليني قلبك

واسجنيني

كل ليل بشوفك بين النجوم بس انتي غيرهم مش زيهم انتي زهرة

وتكفينني

بقالي كتير بستناكي اشوفك في السما ومابتجيش لو زعلانه مني

عاتبينني

الهجر مش هو الحل الوحيد تعالي لوميني ولو حسيتي إني متغير

اسأليني

سوء التفاهم ممكن يتصلح أنا اتنازلت كتير عشانك ارجعي لو لسه

بتحبيني

سرقتي قلبي وهربتي طب ليه وانتي كنتي حتة منه اروح ملين

يواسيني

مش سهل عليا انساكي وفيت ليكي ليه اخترتي تكوني زيهم

هجرتيني

ارجعي تاني لأصلك في السما وكوني قمري قبل شروق الشمس

اندهيني

خلاص مفيش لرجوعك أمل هتبقى ذكرى حلوة في حياتي بجد

هتوحشيني

# أنا إنسان



# أنا إنسان

وصلني جواب

أنا روعي طاييرة بتفررف فارد جناحي وهاييم فوق السحاب  
بالفطرة مولود جنسي حر من غير قيود عديت كل الصعاب  
مكتوب على جبيني سوى كُلي عزيمة أعدي الهزيمة دي فترة

شباب

أنا إنسان عندي أمل أكون بس نفسي ماتغيرش وأتحول شخص

تاني

منزوع الإرادة عشان اكتفيت وصفتي وعيبي إني أناني  
أنا إنسان بقاوم ف الحياة والحلم مأوى ليا وقتها قواني  
هدفي هيتحقق لما أسعى ليه وأتعب عشانه واصبر هنول

أستحمل عشانه سنين كثير هسعى برضو مهما الوقت يطول  
بداية تفاؤل ونور من بعيد وأكيد دي هي تأشيرة الوصول  
صدق أحلامك هتعيشها حقيقة وفي كل خطوة أكتب وقول

أيوه أنا الإنسان أنا الإنسان

وأنا اللي كنت ف حلمي جبان

أنا الإنسان وبأعلى صوت بنادي

واسمي بيتقال على كل لسان

أنا الإنسان وظروفي مبقتش خوفي

هفكر ف بكرة ومستقبل أمان

أنا الإنسان بفكركوا

ومش عايش عشان أتهان

هنسى وأبدأ أطير من تاني

وأحلم إن أنا إنسان

ومش هصحى إلا على تحقيق  
أحلامي وتحقيقها ف أيامي  
وهساعد أي حد بيحلم حتى  
ولو بالكلمة وهنشرها بأقلامي  
وهمضي على كل جبين  
أنا الكاتب وقلمي حزين  
دى آخر كلمة وختامي  
أنا الإنسان ده كلامي وبوصلكوا سلامي

# أول حب



## أول حب

الحب بسمة في خيالي رسمة والقلب أحيانا بيكون دليل  
وجودك في حياتي مكانش الصدفة كان حلم أصله جميل  
شوفت فيكي كل اللي بتمناه انتي حلمي اللي بستناه  
أمنية حياتي تكوني نصيبي اللي أعيش وأموت وياه  
فرقنا الزمان وبعдна نصيب ده الحب أصبح ف خبر كان  
ما احنا اللي مشينا وسيبنا قلب وروح وفارقنا أصل المكان  
أنا هنا وهي هناك حزين عليك ومش قادر أنساك  
الحب روحي وروحك من غيرك هعيشه في هلاك  
شيكت لقلبي اللي جافاك مش ده كان هو حبك هواك  
بعدت عنه بكل سهولة يا نبض قدرت تنساه وينساك

من بعيد لبعيد بحن ليها وبتظمن ما أنا بسأل عليها  
اشتقت لابتسامتها وفرحتها ونظرة عينيها  
كل يوم في الحلم أشوفك وانتي بتناديني  
إنتي عايشه جوايا وصعب يا روعي تفارقيني  
خسارة فيكي الحب لو في يوم قدرتي تنسيني  
يا قلبي متبقاش قاسي ده الحب مايتنسيش  
دي أول واحدة في القلب موجودة ما بتمشي  
اسمك مفارقنيش لحظة وصورتك قدام عيني  
ونفسك أشوفك ولو مرة دي نظرة ليكي تكفيني  
ولما رجعت وقولتلها بحبك وخلينا نسي اللي فات  
قالتلي بلاش نخسر بعض وخلينا أحسن إخوان  
بالسرعة دي نسيت كل المشاعر وكل الذكريات  
البعء صعب ومر ما أنا أصلي حبيتها واحلف بغلاوتها

مش قادر أنسى صوتها وبسمتها ورموش عنيتها ورقَّتْها  
المشاعر جوايا بالبطيء اتحولت واتقلبت لصراع  
ودي كانت اخر نظرة ليها وجوه عنيتها نظرة وداع  
فاكر يا قلبي لما قولتلك ف يوم الحب مايتنسيش  
ده كان كلام وهم على ورق يترمي أو مايترميش  
أنا صحيح حبيتها بس خلاص حقيقي مايهمنيش

رسالة

# رسالة

لحد إمتى هناكل ف بعض واحنا كنا من أصل واحد نسيتموا آدم  
لحم ودم كلنا خلاص نسينا أصلنا وهمنا بنحلم نملك العالم  
مانفذتوش الرسالة الي وصلتلخوا من ربنا عن طريق أنبيا منخوا  
نسيتموا موسى وعيسى ومحمد ورسالتهم خوفهم علينا فين قلبخوا  
الدنيا أبسط من كده ومتستاهلش الأمر بإيد ربنا والهم هيزيلوا  
منخوا

ولما كنت لسه بتحبني مين الي جابك للدنيا أصلا نسيتموا أصلخوا  
إحنا أضعف مما نتصور تخيل من البرد يخلينا نتغير فين عقلخوا  
بتزاحموا ليه على شبابيك الحياة ما في الآخر هتاخذوا تذكرة

الوفاة

وكله بدوره ماتستعجلوش أصل الحكاية إيه تموتوا مع سركوا  
الدنيا صغيرة ع اللي بنعمله בניجي على بعض هو ده كل همكوا  
الخير كان فينا والحسنة كانت بين إيدنا راحت فين هقولكوا  
الحسنة لما جماعة تعمل خير وتقول جوه نفسك أنا عملتها  
سبقتكوا

قدامكوا الفرصة تغيروا فيها اكسبوها اعملوا اللي ينفعكوا مش  
يضرکوا

موال ودائرة الأيام بتلافينا وياما الدنيا هتورينا سامحوني إني  
فكرتکوا

مشفق عليكوا أحزان وزود عليهم هموم كمان اتعاطفوا مع  
نفسکوا

كلامي ده مش حاسس بيه لوحدي حاسينه معظمكوا أو كلکوا  
ابصموا ع الحياة بصمة أمل وهاخذها وأعلقها عالجبيل وبعلمكوا

وكل واحد يعدي عليها يفتكر بصمته اللى فيها وكل اللى عدا زيكوا

وقلبهم على قلبكوا

غيروا كل اللى قدروا عليه وعظيم اللى وصلته ليه اساميكوا

هاتعيشلكوا

# زى السراب



## زي السراب

فين جيلنا وأيام زمان مش جيل بقى زي السراب  
جيل كان همه الوفا واتمحت أصوله من ع التراب  
كنا وياريتنا نرجع زمان زي ما كنا معشناش أغراب  
آه من زمن عايشينه ديا به بنتحول والزمن قلب  
قولولي سبب يخليني أصدق إن الفطرة هترجع للكتاب  
كلام كتير نفسي أقوله وأفضفض ويكون اللسان غلاب  
أتغير نشيء في الأخلاق يا حسرة راحت واتقالها أسباب  
هغير جيل بعقل وحكمة وقريب أوي مش آن الأوان  
هرتاح بجد لما اشوف الفرق والطفل يكون شايف أمان  
علام ودين يتزرعوا فيهم هنحصد منهم ثمر وعيدان

هتبقى بداية صباح جديد أكيد نسمع العالم منا الأذان  
كلام مكتوب لازم تركيز هنعمل دايرة ونكون ميدان  
ونرجع العلم اللي يفيد ونحلم ونسعى والحياة بتعلم  
الموضوع مش مهم لناس ومن كلمة الكل هيتكلم  
المهم تجرب كل جديد هتوصل لنضج الفكر وتعلم  
لو سبت نفسك الدنيا تشيلك هترميك ف صحرا تحيا بتتألم  
هتندم على عمر حياة ضيعته وتلاقي الدنيا حواليك بتغيم  
وتحدد لنفسك قرار مصيرك ومسيرك هتتغير وتسلم  
شعور النقص بحسه ف ناس تلاقهم بيعارضوا أي جديد  
وأي فكرة حتى لو هتفيد وصلوني أكتب كلام يلين الحديد



# سر سعادتني



# سِر سعادتي

سِر سعادتي قريهم من أول ما عرفتهم وهما في حياتي مصدر

سعادة

منهم قرايب وجيران والبيبان لازقه في البيبان وتشجيعهم وصلني

للريادة

فيهم الصغير والكبير كان متعلم أو من غير الفكرة مش في

الشهادة

الجو معاهم جو أُسري معاملتهم ليا حزنهم والمعاملة من العبادة

بنخرج حتى لو كل شهرين مع بعض مش حاسين الوقت بيجري بزيادة

لو غابوا عني كثير بحس بالتغيير والحياة من غيرهم طعمها سادة

شكرا لوجودكوا جمبي حقيقي إنتوا اللي مني يدومكوا سندي وعشره

في غيرهم ييمثلوا القُرب دول بالنسبالي غُرب زي البصله بميت

قشره

بتظمن لما بشوفهم بعرف أطلع منهم اللى يفرحهم أخبارهم

والخبر منهم بشره

قلوبنا صافية مبنقدرش نشيل من بعض الصداقة كنز طلعهنا بإيدنا

من تحت الأرض





# غيبوبة

## غيبوبة

فوقت لاقيتني ف مستشفى وناس حواليا واحدة حاطه إيديها على

إيديا أنا مين

قالولي إني بقالي شهر ف غيبوبة مستغربهم بيتكلموا وهما قلقانيين

تعرفوني مينين ردوا عليا انت مش فاكرنا لا شكلكوا مش غريب

عليا انتوا مين

أنا صاحبك ودي مراتك رده صادم زعقت فيهم انتوا كيد كدايين

دخل دكتور على صوت زعيقني إهدى يا ابني عشان ده غلط على

صحتك

واتضح إني فقدت الذاكرة ساكت مش حاسس بالدنيا يا رب دي

قسمتك

وسألت نفسي يا تري أنا كنت إيه واللي أذاني أذاني ليه تكونتش

القسوة غيرتك

مشوش مش عارف أفكر ومن كتر القلق متوتر مش قادر أخذ أي

قرار

لو مكاني هتحس بإيه وانت عقلك لسه مولود كإنه أصلا مش

موجود أكيد محتار

جمبي صاحبي بيحكي لي عن طبييتي وإنه دايمًا ملازميني واللي بينا

مش أي أسرار

سألته عن إصابتي وأسئلة تانيه سئلتها كلام كثير قالهولي وتوه وقتها

مش فاهم إيه الحوار

كامل وقال ولاد حلال لاقوك مرمي ف الصحرا قاطع نفس غرقان

وسايح ف دمك

جابوك على هنا والقلق ف عنيهم مش لاقين حد نطمنه لا خالك

ولا حتى عمك

يومين وطلعت وراجع لبيتي راجع لمكان مش مكاني وبكلم نفسي

هو ده كل اللي همك

دخلت البيت ودماعي بتودي وتجيب ظهر مشهد قدامي مشهد

غريب

واحد على سريري وكاني ف فيلم والمدام هي البطلة حلم ده ولا

علم

بسحب سكينه وبجري عليها هقتلها وآخد منها تاري واغسل بإيدي

عاري ظهر قدامي ظل لكيان

وقعت والدنيا بتغيم قصادي وعنيا بتقفل بالتدريج وبنادي عرفت مين

اللي طعني فضهري ومالوش ائتمان

صاحبي اللي المفروض يحمي عرضي ف غيايبي عرفت مين اللي

بقاش ع العشره ومين اللي صان

تخيلوا الشخص اللي زارني وافتكرته أخ ليا جه على شرفي و قهرني هو  
اللي خان

مفيش حاجه تبقى عليها بالذات في الزمن ده مش هتلاقيها الثقة

اتدفتت بقالها زمان

اللي لسه فاكر الدنيا بخيرها في يوم هتيجي عليه ومسيرها تمحي

الطيبة اللي فيه

وكان يا ماكان



# ظلمت نفسي

# ظلمت نفسي

ظلمت نفسي كثير معايا  
ومش لاقى لجرح نفسي أي دوا  
علاجي كلمة حلوة بسيطة  
ووجودكوا ف حياتي شمس وهوا  
كرهت ظلم نفسي لنفسي  
وكرهتها لما حبت ورضيت بالقساوة  
أکید البشر مش ملايكة  
متنتظرش فعل خير أنا عارف دي غشاوة  
الناس بيفارقوا ويبعدوا  
ولرد فعل بيزعلوا مش المفروض يسألوا

دي نقطة أساس لكل اللي أنا فيه  
مين يرضيه وده هو أصل الموضوع  
أكره مين بقى دلوقتي وده طبع ناشئ فيهم  
وقلبي بسببهم يبسيل بالدموع  
هعمل بينا حواجز سد والعازل  
ع الأغراب يتهد وبيننا يكون عداوة  
مشكلتي بكون مجروح بس  
برجع أفكر تاني وأقول فكر بالهداوة  
وأنسى اللي فات مع الأيام  
وأنسى الحوار واللي دار في الكلام  
ويتكرر نفس الموضوع بس ده  
حد عزيز عليا وفراقه بيأثر فيا  
من حقي أكره نفسي عشان كنتوا فحياتي

مش هلاقي الحل معاكم صحيح انتوا بعيد  
لما براجع نفسي ف مواقف معاكم  
أوقات بكون متضايق وشعور إني وحيد  
مستغربين كلامي لما بقول إني وحيد  
بتألم ومفيش في كلامي أي جديد  
بس هي دي الحقيقة وحضوركم بينا شهيد  
مش هي النهاية بس حبيت ف كلامي أوصلكوا  
مبادئ البشر ولسه في باقي أكيد  
أراكم في أسوء حال أيها المخادعون  
فأنتم صفحة سوداء ومن سلامكم فلا أرى

# عشرة سنين



## عشرة سنين

ظالمين كتر السنين واحنا الحقيقة مش عارفين

إنه ممكن يكون مطب ونبس أول كمين

قليل لما تلاقي الصادق ف الفعل

والغالب فين مش موجودين

مع المصلحة تلاقيهم معاك ولو خلصت

هتقف لوحده زي العملة ليهم وشين

عاشرت أصناف ملل وطوايف

معظمهم بيكون زايف وقليل بيكونوا كاملين

اللي بين الناس تفتخر وتقول ده دمي

وصاحبي اللي باقي لي مع بعض مكملين

هو ده مش حد غيره هيكون زي ذلك

هتدعي هيقول آمين

مش بس الوقت لو الرابط أساسه متين هيدوم

الصاحب أخ ولسرك هيكون كتوم

ممکن تعاشره سنة وتلاقيه ظهرك وسندك

وبسببه ماتشيلش أي هموم

في أيامنا دي النظيف يا يبقى عايش

تعييس يا يكون عايش مظلوم

الي بينهم عيش وملح بينوا مع بعض حياة تدوم

كلام هتحسوه هتعيشوه واضح والكلام مفهوم



ليه تنده



## ليه نندم

ندمنا وبنندم على حالنا اختارنا وصدق ده

أول اختيارنا

نرجع في الآخر ونقول ياريتنا وتفضل جوانا

مسيرة أعدارنا

طب ليه نندم واحنا مرينا وعدينا ونصمم

وبرضو احطارنا

خبرتنا المفروض تدينا مناعة نفكر شويه

ونتمسك بقرارنا

أيام الدنيا معدودة فعيشها بطريقتك وانسى اللي مر

ده فات

اعتبر نفسك لسه مولود وجدد أفكارك وطور

لكل الأوقات

عيشها ببساطه بنبض أمالك وأحلامك هتعيش لما انت تموت

مين فينا مشافش الضيق ودي فترة ف أول الطريق

هتفوت

أحلم وأتمنى من حقلك بس في الآخر متندمش

على السكوت

ياااه ع الزمن لما تحتاجه مبيجيش ويخبط عليك ف

وقت غريب

مهما ناديت عليه بعلو صوتك ميردش بالذمة مش ده

أمر مريب

شوفنا كتير في حياتنا ومهما نعيش لازم نتعب لحد

ما نشيب

دور جواك على نفسك ولو مش لاقبها يبقى لسه

مجاهش النصب

زعلان وندمان على حالك متستعجلش هيتغير في

وقت قريب

ولو اتأخر برضو متفقدش الأمل لحد ما شمس

العمر تغيب

صحاب أحباب في يوم هيفارقوا وهتندم على فراقهم

وبعدهم

ساعتها متلمهمش على فراقهم ممكن يكون الخير

مش قربهم

صدق كلامي أو متصدقوش بس ياريت متنساهش يمكن يفكرك

بأصلهم

أنا وحيد في نص الغابة ومش حاسس وسطيكوا

بالحياة

دورت جواكوا على بذرة أمل وملاقيتش فيه طوق

النجاة



# مستاهلېش



# متساھلش

خسرتها وكسبت نفسي بكيت عليها ندمان عشان

انا حبيت

حياتي ناقصه كثير من غيرها اذيتي قلبي ولروحي

شكيت

نفسى حياتي ترجع من تاني وأعيش الحياة وأنساها

ياريت

قلبي بيدق لما أفكر فيها ونفسي أسأل عليها بس الوجد منه

اكتفيت

بضحك على نفسي وبصدق حقيقي بصدق إن أنا بسهولة نسيت

أنا حبيت أيوه أنا حبيت

سنين من عمري علشانها عشق ليها وماتكفيش  
دي هي الأولى ف حياتي ووجودها فرحتي نجاتي وف بُعدك

ماقدرش أعيش

بفتكر لما كنت معاكي وأزعل ع اللي وصلنا ليه أرجوكي

ماتمشيش

ما دي خيانة لما تبعد عني طب فين وعودك ردي عليا

وماتكذبيش

نسييتي الحب اللي وهبته ليكي وياريته طمر فيكي طلعتي ناقصه

ماتستاهليش



# مسجون جوہ قلبي



# مسلجون جوه قلبي

سنين وسنين بتجري وراها واقع ف دوامة ومناهه وبحر واسع

كله أحزان

تايه محتار في أفكارى منين أبدأ في مشوارى شايف قدامى الناس

ألوان

يا أغلى الناس لقلبي وحياتي سبتيني ف عتمه الأيام حاضر هقطع

العنوان

مش عارف ليه تابع نفسى وأنا اللي في القصة دي منسى أنا

تعبان

الشعرا لو سمعوا قصتي من كتر دموعهم على شكوتي هيكتبوا

بإسمى ديوان

فات كتر وحاسس بضيقه طب انصحوني بأي طريقة لو فيكوا

واحد قلبه مليون

يا ترى حاسه إحسائي وناري ولحظات ضعفي وانهياري للأسف

كل شيء بان

لو كانت طلبت زهرة مني وأنا بإيدي مش هستخسر أجيلها بدل

الوردة بستان

عزايا فيكي هاخده خلاص مشاعري جفت مفيش إحساس إنتي متي


ودفنتك كمان

مصيري مسجون جوه قلبي أمحي ذكريات سنين فاتت وماعيشش

طول عمري ندمان



# العصفورة



## العصفورة

العصفورة بعد الفجر كانت تشكي همومها في يومها بكل ما فيها  
صوتها حزين وهي بتشكي في يوم هيجي عليها الدور وتحقق كل أمانها  
هي صحيح صابرة وقوية والدنيا فرضت عليها تعيش قصة حب بلياليها  
طب مش ممكن تصبر حبه يجيلها نصيبها بس دي فترة طب

عديها

في أول يوم شافت غندور وده عصفور قال ما تجرب تروح

تجاريها

هي كمان بصت لكيانه شكله غريب بس رزين الضحكة بانة إزاي

تداريها

راح كلمها في يوم وسألها إنتي مرتبطة اتكسفت منه وراحت لأراضيها

هو مفكر إنها زعلت وهي الليل بتفكر فيه وعارفه انه في يوم هيجيها

راح تاني يوم يدور عليها ومقرر إنه يصارحها بس يا ترى فين

يلاقيها

شافها غندور واقفه على الشجرة وتفاؤل في عنيتها

قالها عايز أوضح حاجة قالتله بسرعة علشان أختي رايحة الكتاب

ولازم أوديها

إنتي شبيهة حبي الأول بس دي ماتت وعنيكي توأم لعنيها

ويوم ورا يوم قربوا من بعض وبعد ما كانوا في يوم أصحاب بقوا

أحباب

والكلمة الحلوة بتقرب وتبين إنك مهتم حتى ولو خاين كداب

بقربه ليها حس إنه ظالمها معاه وخايف يقولها كلمته تأذيها

دي حكاية غندور والحب القصة هتفضل موجوده بس بيتغير أساميتها





## ارتويت بحبك

ارتويت بحبك ومنايا تكون معايا وأكون معاك  
شوقي ليك بيزيد حتى وإن تبعد أنا بهواك  
قلبي بيدق كل دقة باسمك وبينبض بشوق للقاءك  
كنت بنام وبحلم بيك أتاريك في قلبي ساكن هناك  
كل لحظة تعدي عليا من غيرك بحس إني ف نار  
بشقاقلك وأنا وياك وليلك زاد بعده معايا نهار  
قارنت الناس بطيبة قلبك مفيش مثيل عشان اختار  
صورتك عايشه في خيالي يا حبيبي إنت القرار  
لو جبت الدنيا ماتكفيش قصاد ضحكة أنا بنهار  
بتمنى تكون إنت نصيبي دعيتها دعوة في الأسحار

يا أجمل آيه جت للكون بوصف قمر مش في أحلامي

عشت الحب كله معاك وكانت أحلى أيامي

اسمك محفور على قلبي مكتوب بشوقي وغرامي





# قلبي اختار

## قلبي اختار

قلبي اختار والقلب وما يريد حبيتها لما شوفتها ومش قادر أنساها

دي حته جوه القلب وكل يوم من شوقي ليها بستناها

عشان أشوف عنينا الجوز وحبها أمنية بتمناها

نفسى أقولك إني بحبك وبهواي وبتمني يوم لقاكي

يا حبي اللي عشانه ضحيت إنتي أجمل ما حبيت

وليكي أنا غنيت وبأحلى هدية هاديت

بحبك بحبك بحبك وليكي ده مش كثير

والدليل على حبي إني من الهوا الطاير جمبك بغير

يعني لو مغيرتش عليكي طب على مين هغير

ده إنتي بقيتي كل حاجه موجودة ف حياتي

بفكر فيكي حتى وإنتي بعيدة كل صباح يوماتي  
عاش عشانك مش قادر أبعد إنتى فى الدنيا جناتي  
بزعل لما بتبعدي عنى مش بس مسافات  
دي أصلا علامات لقلبي ومشاعر بحاول أداريها  
حبي وعشقي ده كله ملين ما هيبقى كله ليه



# مشاق





الحب مشاركة وأسلوب حياة لكل كبير أو صغير  
ومها بعدت عنه لا يمكن الإحساس ده بيتغير  
أصبر على رزقك ودي فترة ماتستعجلش  
حبك في يوم هايجيلك ده نصيب مايتأجلش



# کتابت با سواد



## كُتبت باسمك

كُتبت وهفضل أكتب باسمك واللي اتكتب يجي جنبك إيه ده يا دُوب  
ماقدرتش أنسى يوم من بُعدك ذُل القلب واللي عشانك ع الجرح مرهم  
يُدُوب

هاتحدى الدنيا وفداكي ولو غيبتني عني هستناكي ونهرب بخيالنا بين  
الدروب

في عنيني البحر لمعانه وموجته الصافية بألوانه وبعديها يبان منظر  
غروب

أ ستأذن آخذ منك بسمتك اللي بتظهر على شفتك أدونها وبعديها على  
طول هاتوب

شايفك صافيه من غير شوايب طيارة بجناحين زي العصفور نقية من  
غير عيوب

شايل ليكي اول هدية لأجمل وأحلي وأغلى ما ليا وليكي بس

محدث غيرك ينوب

يا ترى يكفيكي عمري ولا مش كفاية اعتبريها مني البداية ولأجلك

هاخوض حروب

أنا عارف إنه نصيب يا أكون ليكي ياما ماكونش وده قدر ومكتوب

الدنيا مش هتريحنا ولا لو سعيينا عشان نرتاح هي الحياة ماشيه

بالمقلوب

برضو إنتي ساكنه جوه قلبي مش هاسكن مكانك حد تاني خلاص

مفيش هروب

معركة الحب لسه دايرة بينا ومش مهم مين غالب فينا ومين مغلوب

متخيل واحنا مع بعض قاعدين ع الشط مبسوطين وبإيدينا بنرسم

قلوب

## الفهرس

- 5 ..... الموت قادم •
- 7..... فايت بلاد •
- 9..... خسرت مرة •
- 13..... قمري •
- 17 ..... أنا إنسان •
- 21 ..... أول حب •
- 25 ..... رسالتہ •
- 29 ..... زي السراب •
- 33..... سرسعادتي •
- 37..... غيبوبتہ •
- 43..... ظلمت نفسي •
- 47..... عشرة سنين •
- 51..... ليه نندم •
- 57..... متستاھلش •
- 61..... مسجون جوه قلبي •
- 65..... العصفورة •
- 69..... ارتويت بحبك •
- 73 ..... قلبي اختار •
- 77..... مشتاق •
- 81..... كتبت باسمك •